

NKENE WU NA OKUNYOLITHA EVALO LYOKAMOYE

Ongiini Grace, omahalelolago molwokahanona koye. Okawanawa nee!



Osha simana noonkondo opo wu nyolithe evalo lyokamoye. Opo nee Sara ota kala e na onzapo yevalo. Owu na okunyolitha okamoye mbala ngaashi tashi vulika konima owala sho ka valwa.




Omolwashike Sara a pumbwa onzapo yevalo?

OMATOMPELO GAHAMANO OKAMOYE KA PUMBWA OKUMONA ONZAPO YEVALO

1. **Opo ka mone ompito yomakwatho gopaundjolowele ngaashi etuntilo**
2. **Opo ka mone ompito yomakwathelo gopankalathano**
3. **Opo ka nyolithwe mosikola**
4. **Opo ka mone okamutse (ID) nenge opasporta**
5. **Opo ka hokane/hokanwe**
6. **Opo ka hogolole**

Itashi vulika wu ninge iinima oyindji yomwaambika nowaa na onzapo yevalo, ihe otashi kala oshidhigu noonkondo molwashoka onzapo yevalo oyo omukalo omupu okuulika omimvo dholela.



Onzapo yevalo otayi ulike uukwatya wokamoye, esiku lyevalo, ehala mpoka ka valelwa nedhina lyomuvali gumwe nenge ayehe. Nopwaa na onzapo yevalo oto kala wu na uupyakadhi okunyolitha okamoye mosikola nomapitikilo gokumona omakwatho gopankalathano nenge gopaundjolowele. Monakuyiwa, okamoye oka pumbwa onzapo yevalo opo ka ka mone okamutse (ID) uuna ka gwanitha omimvo 16. Ngoye owa pumbwa wo onzapo yevalo nokamutse opo wu mone opasporta, wu hogolole, wu mone olisensa yokuhinga nenge wu hokane/hokanwe.

Kakwa li nda dhimbulula nkene sha simana! Otandi nyolitha ngiini evalo lye?

Momahala gamwe, oto vulu okunyolitha moshipangelo moka wa monene okanona.

Ngele moshipangelo moka wa monene okanona kamu na omahala gokunyolitha,

owu na oku ka nyolitha okanona poombelewa dhUuministili wlkwagumbo nOmatembukilomo dhopopepi.



He yaSara, Lukas oku na okuya nangame opo tu nyolithe evalo lyokanona? Katu na we ekwatathano.

Owa pumbwa okupopya naye kombinga yokunyolitha evalo lyokanona. Amuhe omwa pumbwa okutsa kumwe ngele owa hala okutula mo edhina lye monzapo yevalo yokanona. Ngele ina hala edhina lye li kale monzapo yevalo yokanona, oto vulu okunyolitha Sara kofani yoye mwene.


Uuyelege wuni ndi na okufaalela?

Otandi wu ku nyolele.



SHOKA WU NA OKUNINGA NGELE KU NA OODOKUMENDE DHA GWANA PO OPO WU NYOLITHE ONZAPO YEVALO YOKANONA

- Ngele owa kanitha okakalata koshipangelo kokamoye, oto vulu oku ka tala okopi koshipangelo hoka wa monena okanona.
- Ngele ku na onzapo yevalo, owu na okwiinyolitha ngoye mwene pamulandu gweinyolitho lya tokelwa koombelewa dhomoshitopolwa dhUuministili wlkwagumbo nOmatembukilomo dhopopepi. Ngele ku na okamutse ihe owu na onzapo yevalo, owu na okuninga eindilo lyokamutse. Nopo ihe to vulu okunyolitha evalo lyokamoye.
- Ngele owu na natango uupyakadhi nenge waa na oodokumende adhihe wa pumbwa, owu na okupopya nomunambelewa gwomombelewa yUuministili wlkwagumbo nOmatembukilomo opo e ku pe omayele.





OMILANDU DHOKUNYOLITHA EVALO KOMBINGA YAVALI MBOKA INAAYA HOKANWA/HOKANA

1. Omukulukadhi ita vulu okunyolitha omulumentu onga oye he yokamwana monzapo yevalo nopwaa na epitikilo lye. Ngele omukulukadhi okwa hala okunyolitha omulumentu onga oye he yokanona monzapo yevalo, omusamane oku na okukala po, nenge a gandje omushangwahokololo pambapila a gana kutya okwa gandja epitikilo opo a kale he yokanona monzapo yevalo. Ngele he okwa sa, edhina lye itali nyolwa po we uuna wa nyolitha nale.
2. Omukulukadhi ita vulu okuthiminikwa opo a gandje uukwatya wahe yokanona. Ngele ina hala okugandja uukwatya washa kombinga yahe, kapu na nando edhina lyagumwe tali ka holoka monzapo yevalo yokanona onga oye he yako. Oto vulu okugwedha mo uukwatya wahe yokanona monzapo yevalo konima ngele amuhe omwa hala oku shi ninga. Kapu na ofuto yasha.

Martha, owa tseyea ngiini oshindji
kombinga yokunyolitha evalo?

Ashike Josef oku na omimvo 5.
Kakwa li wa lata noku mu nyolitha?

Onde shi ilongo sho
nda ka nyolithile
okamwandjemati
Josef, omvula ya zi ko.
Opwa li omaupyakadhi
gamwe molwashoka
kakwa li ndi na sha tashi
ulike evalo lye, ashike
aantu yokUuministili
wlinima yOmegumbo
nOmakondololo
gokoongamba oya
kwathele ndje.



Owu na okunyolitha okamoye mbala ngaashi
tashi vulika konima sho ka valwa - muule
womasiku 14 sho ka valwa osho dhingi.
Ashike ngele okamoye oke na omimvo dhi
vule pugumwe, oto vulu oku ka nyolitha
onzapo yevalo tashi pitile momulandu hagu
ithanwa enyolitho lyokwatoka lyevalo.
Ngele ku na okakalata koshipangelo
kokanona, owa pumbwa oodokumende
dha gwedhwa po, ngaashi okakalata
kegongalo kokanona. Enyolitho lyokwatoka
lyonzapo yevalo olyoshali, ngaashi
ashike enyolitho lyevalo lyopethimbo.
Oshipangelo - mpoka hapu nyolithilwa
evalo ihapu nyolithilwa evalo lya tokelwa.



SHOKA WU NA OKUNINGA NGELE KU NA OMBAPILA YA SHA YEVALO LYOKAMOYE

Ngele ku na ombapila ya sha yevalo lyokamoye, oto vulu okuulika okakalata kako kongeleka. Oto vulu wo oku ka tala omushangwahokololo gwegano komukuluntusikola posikola mpoka ka li haka hiti tango nenge kumwene gwomukunda gweni. Ngele ku na po nando odokumende yasha, oombangi mbali ndhoka dhi vule okamoye nomimvo ntano odhi na okuya pamwe nangoye opo dhi gandje uuyeletele kombinga yomimvo dhokamoye nuukwatya wako. Aavali yokanona otaya vulu okuninga oombangi ngele kapu na nando omuntu gwontumba ta vulu okugandja uuyeletele wa pumbiwa. Uuna to nyolitha onzapo yevalo yokanona ke na omimvo dhi vule 14, Uuministili otawu ku lombwele kutya owu na okweetelela okanona opo ke ye ka kuthwe omanyala onga omuthika gwokuyeleka egameno.

*Omuleli gwopamudhigululwakalo okwa pula ndje ndi fute iimaliwa oyindji omolwegano
lyomushangwahokololo. Ondi na okuninga ngiini?*

Oto vulu okumona ombapilapopilo komuntu gulwe, ngaashi komukuluntusikola gwoposikola mpoka ka li haka hiti tango.

Hamba nando ku na okakalata kokamoye koshipangelo oto vulu okunyolitha evalo?



Eeno, oto vulu okweetelela
ombapila yegano ya za
komuntu gwontumba ngaashi
mwene gwomukunda gweni
nenge omukuluntusikola
gwoposikola mpoka ka li
haka hiti tango. Onda vula
okulongitha okakalata
kokamwandjemati kegongalo.

Ne nahe
inamu
hokana.
Edhina
lyahé omo li
li monzapo
yevalo?





Eeno, atuhe
otwa tsu kumwe
kutya oku na
okukwatalwa
mo, notwa tsu
kumwe kutya
okamwetumati
oke na okukala
nofani yahe.

Pofani yaSara otandi nyola po shike? Kandi na we ekwatathano nahe, ashike oshike tashi
ningwa po ngele okwa lundulula omadhiladhilo ge nokwa hala okanona ka longithe ofani ye?



Ito vulu okulongitha
ofani ye, kakele ngele
amuhe omwa tsu kumwe
mwaashika molwashoka
inamu hokana. Owu na
okulongitha ofani yoye
ngele ina zimina wu
longithe ofani ye. Ngele
konima okwa kala a hala
okanona ka longithe ofani
ye, nowe shi zimine, oto
vulu oku yi lundulula
monzapo yevalo. Kapu
na ofuto yasha.



NKENE TO NINGI EINDILO LYOKUNYOLITHA EVALO

OKUNYOLITHA EVALO

Uunake: Sho okanona opo ka valwa, nenge kehe ethimbo sigo osho okanona taka gwanitha omumvo gumwe.

Openi: Moshipangelo moka okanona ka valelwa, ngele otamu vulu okugandjwa omayakulo ngaka, nenge poombelewa dhUuministili wlikwagumbo nOmatembukilomo dhomoshitopolwa dhopopepi. Oombelewa dhimwe dhoomangestalata nadho wo ohadhi nyolitha omavaloo.

ENYOLITHO LYOKWATOKA LYONZAPO YEVALO

Uunake: Ethimbo kehe konima sho okanona ka gwanitha omumvo gumwe.

Openi: Poombelewa dhUuministili wlikwagumbo nOmatembukilomo dhopopepi. Einyolitho lyokwatoka lyevalo ihali ningilwa koshipangelo nando.

Ngele owa hala okumona ombelewa yUuministili wlikwagumbo nOmatembukilomo yopopepi, ninga ekwatathano nOministili ko **061-2922111**.

SHOKA WU NA OKWEETELELA KOMAINYOLITHO AGEHE GEVALO:

1. Okakalata koshipangelo kokamoye (okakalata kegongalo otaka vulu okutaambwa komanyolitho ga tokelwa ngele okakalata koshipangelo okakana).
2. Okamutse nonzapo yevalo nenge opasporta yomuvali gumwe nenge yaivali ayehe.
3. Ngele aaivali yukanona oya hokana: onzapo yehokano nenge omushangwahokololo gwa za kumwene gwomukunda, ngele aaivali oya hokana kohi yompango yopamuthigululwakalo.

OFANI YALYE YI NA OKULONGITHWA NGELE OKANONA OKAVALWA PONDJE YONDJOKANA?

1. Ngele omukulukadhi oye awike a nyolitha evalo lyokanona nomusamane ina nyolwa mo monzapo yevalo, okanona oke na okuya kofani yayina. He ina pumbwa okugandja epitikilo ngele yina okwa hala okanona ka kale kofani ye.
2. Ngele aaivali ayehe oye li monzapo yevalo yukanona, okanona otaka vulu okuya kofani yayina nenge kofani yahe. Okanona otaka vulu owala okukalanofani yahe ngele yina nahe ayehe oya gandja epitikilo mwaashika.

OSHIKE TASHI NINGWA PO NGELE AAVALI YOKANONA OYA HOKANA KONIMA SHO OKANONA KA VALWA?

Enyolitho lyevalo lyokanona otali vulu okulundululwa opo ku nyolwe evalo lyokanona ngele aaivali oya hokanathana paveta/pampango sho okanona ka valwa. Omushangwahokololo omukulu otagu ekelwahi mo momapeko gepangelo.

OWU NA
... EPULO?
... EGWEDHELOPO?

KWATATHANA NATSE!

Email: comic@lac.org.na
Fax: 088-613693

Post: P.O. Box 604 Windhoek

Otwa hala okuuva eyamukulo lyoye
kombinga yokatuuna ndjika.

Molwuuyelele wa gwedhwa po,
dhengela Uuministili wlikwagumbo
nOmatembukilomo (061-2922111).



Ehokololo:
CHRISTINA BENINGER

Omundongeki:
NDALIPO MUPUPA

Omafano, omuthololomo netulomelandulathano:
DUDLEY VIALL naPERRI CAPLAN

Omuwiliki gwoprojeka:
RACHEL COOMER naDIANNE HUBBARD

Omukwatheli:
DUTCH MINISTRY OF FOREIGN AFFAIRS, MDG3 FUND

Omunyanyangidhi:
JOHN MEINERT PRINTING (PTY) LTD

Omuholokithimbo:
GENDER RESEARCH & ADVOCACY PROJECT,
LEGAL ASSISTANCE CENTRE, 2011

UUMINISTILI WIJKWAGUMBO NOMATEMBUKILOMO owa
kwathele mehumithokomeho lyontokolwa ndjika.

Okafo haka otaka vulu okuningwa ookopi omolwomalalakano
ge na sha nelongo, shampa ashike onzo ya tseyithilwa.

Ontopolwa yokanyolwa haka yopalusheno otayi adhika
ko-website yo-LAC: www.lac.org.na



Efano lyokafo haka li
li pombanda nalyo otali
gandja wo uuyelele
owindji. Otaka adhika
koombelewa dha-LAC
nokOministili ylikwagumbo
nOmatembukilomo,
nokewebsite ya-LAC.